

Consèi di mari drete

Cjare mari, jo no sai
mi bàt fuart il curisin
e mi bàt plui fuart che mai
quant che lui mi stà vicin.

Su ti prei, ti prei ninine
no stà dongje a chel frutàt
tu inozzent biele frutine
lui bruton .. e smaliziât.

Po' no no cjare mamute
bièl simpatic e tant zentîl
'L'è graziôs cun ché manute
d'agnulût vignût dal cîl.

'O capis pulzete biele

Poesie e Racconti Friulani

e 'o capìs il sô bièl fa.
Ma no baste biele stele
nol s'impegne a lavorà.

Al'è saldo in ostarie
bevacià cui soi amîs
un furbon sçjansafadië
un bricon, un tepist

A son cjàcaris mamute
maldicènze fûr di sen
lui s'impegne, la mét dute
un brâf zovin dût parben.

No stà crodilu frutine
ti fevele smaliziât
chèl ti puarte te ruvine
dût parceche 'le viziât.

Poesie e Racconti Friulani

Cjare mari soi stufade
cheste naine mi va 'l cûr
mi maridi te siarade
plui no spieti senò o mûr.

Frute, frute, pulzetine
no tu vuelis plui capi,
jo sigûr no ven cun te
ma doman no sta vai.